



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

CXXIII. Ejusdem praeceptum pro Ecclesia Augustodunensi.

urn:nbn:de:hbz:466:1-22974

CXXII.

*Ejusdem præceptum pro monasterio Montis-
olivi in diocesi Carcassonensi.*

An. 888.
Ex archivo
monasterij
Montisoli-
vi.

IN nomine sanctæ & individue Trinitatis. Odo gratia Dei Rex. Cum petitionibus fervorū Dei iustis & rationabilibus divini cultus amore favemus, superna nos gratia pro his muniri non dubitamus. Proinde noverit omnium fidelium nostrorum præsentium futurorumque sagacitas quia vir venerabilis Ygobertus Abba ex monasterio quod nuncupatur Mallati, situm in territorio Carcassensi, constructum in honore sancti Iohannis Baptiste, cum terminis & adjacentiis, obtulit obtutibus nostris quandam auctoritatem Domini Pippini pie recordationis serenissimi Regis, in qua erat inferum qualiter antecessoris sui antecessor ipsum monasterium novo construxisset opere, & propter ejus defensionem vel propter pravorum hominum illicitas infestationes in manu ejusdem Domini Imperatoris unā cum monachis ibi degentibus se commendavit, ut sub ejus tuitione licuisset eis cum rebus hominibusque eorum quietē vivere ac residere; & deprecatus est clementiam regni nostri ut præfatum monasterium, unā cum villulis, quarum nomina sunt villa Signarij, seu villa Addarij, necnon villa Vnionis, necnon villare qui dicitur Elisans, qui alio nomine villa Fedosij, quæ sunt super eundem fluvium sitæ, seu villare qui vocatur sancti Stephani, & villa que dicitur Micizani in eodem pago super fluvium Fiscanum, & in pago Redensi locum qui dicitur sancti Vincentij in villa Ceria, & villa que dicitur Anulvilla, quæ est sita in pago Redensi sive Carcassensi, villarēque nomine Egmenalium in pago Tolofano super fluvium Fiscani, necnon & cellulam sancti Martini prædicto monasterio subiectam super rivulum Lampium, sive sanctæ Cæcilie & sancti Petri super fluvium Duranum, locum qui dicitur Oratorium, quæ sunt in pago Carcassensi, villare qui dicitur Eleci super fluvium Lugansi, cum omnibus rebus & adjacentiis sive terminis suis, sub nostra suscipere-mus defensione & immunitatis tuitione. Cujus precibus ob amorem Dei & reverentiam divini cultus libenter aures accommodare placuit, & hoc nostræ auctoritatis præceptum fieri decrevimus atque jubemus; per quod præcipimus ut nullus iudex publicus vel quislibet ex judiciaria potestate in Ecclesiis, loca, vel agros, seu reliquas omnes possessiones quas moderno tempore possidet, vel quæ etiam deinceps in jure ipsius sancti loci voluerit divina pietas argeri, ad causas audiendas, aut freda exigenda, aut mansiones vel paratas faciendas, aut fidejussores tollendos, aut homines ipsius monasterij tam ingenuos quam & servos super terram ipsius commanentes injuste distringendos, nec ullas rehibitiones aut illicitas occasiones requirendas, nostris vel futuris temporibus ingredi audeat, vel ea que supra memorata sunt penitus exigere præsumat. Et quicquid de rebus præfati monasterij sicut sperare potest, totum nos pro æterna remuneratione præfati mo-

nasterio concedimus, ut in alimonia pauperum stipendiisque monachorum ibidem Deo famulantium proficiat in augmentum. Et quandoquidem divina vocatione suprædictus Abba vel successores ejus de hac luce migraverint, quandiu ipsi monachi tales inter se invenire poterint qui ipsam congregationem secundum regulam sancti Benedicti regere valeant, scilicet qui præesse pariter & prodesse queant, per hanc nostram auctoritatem licentiam habeant eligendi Abbatem; quatenus pro nobis & totius regni nostri stabilitate à Deo nobis concessi jugiter Dei misericordiam exorare delectet. Et ut hac auctoritas à fidelibus sanctæ Dei Ecclesiæ & nostris veris credatur diligentisque observetur, manu propria subter firmavit & anuli nostri impressione signari iussimus.

Signum Odonis gloriosissimi Regis.
Datum Idibus Junij anno incarnationis dominicæ MCCCLXXXVIII. Indictione VI. anno secundo regnante Domino Odone gloriosissimo Rege.
Actum in monasterio sancti Maximini in Dei nomine feliciter. Amen.

CXXIII.

*Ejusdem præceptum pro Ecclesia
Augustodunensi.*

IN nomine sanctæ & individue Trinitatis. Odo clementia Dei Rex. Si locis sacris & divinis cultibus mancipatis, aut propria largiendo, aut olim substracta restituendo, operi subsidium accommodamus, hoc proculdubio ad emolumentum regie tranquillitatis nobis profuturum non diffidimus. Quamobrem noverit omnium sanctæ Dei Ecclesiæ fidelium nostrorumque unanimis generalitas quoniam adiens celsitudinem nostram Adalgarius reverendus Eduorum Episcopus humiliter nostræ retulit serenitati qualiter villam Tiliacum, quam nos jure proprietatis possidere videbamur, sanctus Leodegarius prædictæ Ecclesiæ quondam Pontifex ex suo proprio sancto Nazario ac præfate suæ Ecclesiæ æternaliter contulerat possidendam, & postquam à præcedentibus nostræ prolis parentibus simulque heredibus injuste ac contra omnem legitimam rationem fuisset malè usurpata ac temeraria præsumptione ab eadem Ecclesia alienata, à prædecessoribus nostris Regibus, post inquisitionem suorum procerum, præceptorum suorum auctoritatibus eidem fuerat sollemniter restituta, insuper etiam apostolico privilegio roborata, & multorum Episcoporum generali excommunicatione, ne iterum violaretur, innodata. Quæ siquidem villa est sita in pago Ocarensi supra fluvium Sagonnam. Nos igitur tam prædicti viri Dei, qui hanc eandem villam jamdictæ suæ Ecclesiæ donasse videbatur, quam etiam memorati Christi athletæ, beati scilicet Nazarij, ob cujus nominis reverentiam præfixæ matri Ecclesiæ data fuisse affirmabatur, offensionem quoquo judicio pertinuescentes, & quod periculosius creditur, sub oculis omnipotentis in hujuscemodi obstinatione manere qualicumque ignorantia formidantes, malimus nostra propria regio more

Ex chartulario Ecclesiæ Augustodunensi.

ecclesiasticis obsequiis mancipare quam ea quæ dubio pendebant iudicio, aliqua occasione denegare. Vnde ad fidelissimam memorati Adalgarij venerabilis Episcopi exhortationem & dilecti fratris nostri Robberti illustrissimi Marchionis consilium atque consensum, pro nostrarum animarum ac parentum nostrarum remedio, & si quid in hæc offensionis videtur, gratissima absolute, prænominatam villam Tiliniacum cum omnibus ubicunque positis ad illam aspicientibus libuit serenitati nostræ (sæpeminato Pontifici suæque Ecclesiæ & restituendo reddi & condonando largiri, eo quidem iure ut si iusta & legali donatione, sicut præmissum est, ab Episcopis præfatæ Ecclesiæ extitit possessa, inviolabiliter eidem maneat restaurata; sin vero, ut quidam nostræ partis ministri referunt, nostræ proprietatis iustis fuisse visa est, fiat nostra regali munificencia & nominati fratris nostri largitione à nostro communi iure in jus & dominationem Ecclesiæ beati Nazarij & suorum Pontificum in perpetuum mancipata. Propterea & hoc nostræ restitutionis præceptum immo & largitionis fieri iussimus; per quod statuente decernimus ut supra signatam villam Tiliniacum cum omni sua integritate, videlicet cum mancipiis, vineis, pratis, silvis, pascuis, ceterisque terris, Ecclesiis quoque cum suis appendiciis, aquis etiam, aquarumque decursibus, exitibus & regressibus, & cum omnibus ad se iuste & legaliter pertinentibus, quæ sitis & inquirendis, tam præsens quam & futuri supradictæ Ecclesiæ Episcopi sicut reliquis eiusdem Ecclesiæ beati martyris Nazarij res sine aliqua contradictione aut injusta subtractione seu cuiusquam mala usurpatione inviolabiliter teneant & canonico in regendo potiantur arbitrio, nullo inquietante aut disrumpente. Vt ergo hæc nostræ liberalitatis restitutio seu cessionis largitio plenior in Dei nomine obtineat firmitatis vigorem, manu propria firmantes, anuli nostri impressione subter iussimus insigniri.

CXXIV.

Ejusdem præceptum pro monasterio Iuncellensi in diocesi Biterrensi.

An. 890.
Ex archi-
vo mona-
sterij Iun-
cellensis.

IN nomine Domini & Salvatoris nostri Iesu Christi. Oddo divina ordinante clementia Rex omnibus Episcopis, Abbatibus, Comitibus, Vicariis, Centenariis, atque omnibus fidelibus sanctæ Dei Ecclesiæ & nostris præsentibus atque futuris salutem. Notum sit quia si sacerdotum ac servorum Dei petitiones, quas nobis pro suis necessitatibus innouerint, ad effectum perducimus, non solum regiam consuetudinem exerceamus, verum etiam ad æternæ retributionis mercedem talia facta profutura confidimus. Proinde comperiat omnium fidelium nostrarum solertia quia vir venerabilis Audegarius Abbas sancti Petri Iuncellensis monasterij, quod est situm in pago Biterrensi, nostris obtulit obtutibus auctoritates prædecessorum nostrarum Pippini videlicet & Karoli, unde licentiam habebant inter se & Abbates eligere & ipsum monasterium secun-

dum regulam sancti Benedicti & præcepta Regum regere & gubernare, quomodo fecerint olim Abbates illorum Benedictus scilicet & Fructuosus & antecessores eorum absque alicujus blandimento, dum viverent. Ideo memoratus Audegarius Abbas nostram deprecatus est clementiam ut nos denuo prædictas auctoritates nostræ roborationis scripto confirmare dignaretur eique aliquid regio more benigne largiretur. Cuius inquam petitioni libenter annuentes, hoc serenitatis nostræ præceptum illi fieri iussimus, per quod Ecclesiam beati Iuliani martyris quæ constructa est in loco qui vocatur Tauriacus in episcopatu Ruthenensi, cum omnibus iuribus sibi pertinentibus pia largitione ipsi concedimus, ut omnes præsentis & futuri fideles sanctæ Dei Ecclesiæ ex nostro concessu ad perpetuum à nobis confirmatum esse cognoscant. Præcipimus interim ut nullus iudex publicus neque quislibet ex iudiciaria potestate nec ullus ex fidelibus sanctæ Dei Ecclesiæ ac nostris in Ecclesiis aut loca vel agros seu reliquas possessiones prædicti monasterij quas moderno tempore possidere videtur in quibuslibet pagis & territoriis quicquid ibidem propter divinum amorem hæctenus collatum est, quæque etiam deinceps in iure ipsius sancti loci aut per nos aut per alios voluerit divina pietas augeri, ad causas audiendas, vel freda exigenda, aut mansiones vel paratas faciendas, aut fidei iustos tollendos, aut homines ipsius Ecclesiæ tam ingenuos quam & servos qui supra terram ipsius residere videntur distringendos, aut ullas retributiones vel illicitas occasiones requirendas, ullo unquam tempore injuste aut violenter ingredi audeat vel exactare præsumat; & quicquid de rebus præfati monasterij fisco sperare poterat, totum nos pro æterna remuneratione prædicto monasterio concedimus, ut perpetuis concedimus, ut perpetuis temporibus in alimonia pauperum & stipendia monachorum ceterorumque fidelium ibidem Deo famulantium proficiat in augmentum. Et quandoquidem divina vocatione idem Abbas vel successores ejus de hac luce migraverint, quandiu ipsi monachi inter se tales invenire poterunt qui ipsam congregationem secundum regulam sancti Benedicti regere valeant, per hanc nostram auctoritatem & concessum licentiam habeant eligendi Abbates; quatenus ipsi servi Dei qui ibidem Deo famulari videntur, pro nobis & stabilitate totius regni nostri à Deo nobis concessi atque per immensam Dei misericordiam conservandi exorare valeant. Hæc vero auctoritas nostræ confirmationis ut futuris temporibus firmis ac robustis habeatur vel à fidelibus sanctæ Dei Ecclesiæ ac nostris diligentius conservetur, eam manu propria subnotavimus & anuli nostri impressione signati iussimus.

Signum Odonis magnifici Regis.
Arnebodus scripsit ad vicem Ildesfredi Referendarij & subscripsit.
Datum XI. Kalendas Decembris Indictione
viii. anno tertio regnante Oddone Rege.
Actum Silvanectis feliciter.

CXXV.